

鄒平縣志卷六

山水攷上

禹貢周禮以山川別疆土爲地里諸志書所宗蓋自畫界分疆犬牙相制不以山水紀其地則畛域無別耳况巖巖者振古如斯而稱名或易傳志猶夢川流遷徙古今異勢更不待言鄒雖叢爾邑山標副嶽之名水分濟漯之委循名攷實訛謬叢生折衷良難也茲援據載籍驗諸形勢附以詩歌作山水攷

山

鄒平城自南迤西皆長白山也最高而鎮其西南

者曰摩訶摩訶迤東爲回路谷又東爲白雲山

長山

界

白雲迤北爲于茲爲黃山此峙城之南者也摩

訶迤北之高峯曰會仙會仙迤東爲老人峯爲大
旂小旂爲印台大旂之別出者爲相公山此西接
會仙東連于茲峙城之西南者也若黃鵠山若狻
猊貓頭若婁山象山松山若桃花谷蓮花峯皆在
摩訶之北會仙印台之南大谷中者也會仙迤北
爲南石戶北石戶玩湖峯凝嵐岩爲醴山爲鳳凰
山北石戶之別出者爲富相山環於石戶鳳凰之
西者爲九龍山皆南接會仙西挹澣灤北抵小清

而峙城之西者也摩訶迤西爲覺堂嶺嶺北爲黃
花山西爲鵬窩谷皆在縣城之西南而峙於會仙
之外者也擷秀探竒詳列如左

長白山

長白山在濟南府鄒平縣西南本屬長山縣縣所
得名也高二千九百丈周六十里晏謨述征記云
雲雨長白故名常白山司馬子微洞天福地記第
六十一長在山在齊州長山縣故又名長在抱朴
子曰長白泰山之副岳西陽雜俎曰古肅然山也
史記封禪書元封元年四月乙卯封泰山丙辰禪

泰山下址東北肅然山今以地理攷之山在泰山東北相距三百里安得乙卯封泰山丙辰禪肅然若是速耶金史云肅然山在萊蕪縣萊蕪古嬴地在泰山東百二十里封禪書之言信矣

長白山錄

按長白山連峯沓嶂跨四縣之境北去鄒平而近東北去長山而遠西入章邱東入淄川實海岳之奧區仙靈之窟宅齊乘曰南岱東沂之外沂之蒙密之九仙卽墨之大小勞寧海之姑餘般陽之長白皆齊之高大名山也王文簡公據金史肅然山在萊蕪當泰山東百二十里直以

鄒邑西南諸山爲非肅然竊意肅然爲泰山東
北諸山通號亦猶長白爲泰山東北諸山通號
魏書辛子馥傳長白連接三齊瑕邱諸州界亦
一切証史記乙卯封泰山丙辰禪泰山下址東
北肅然山言址者明其近也以東漢馬第伯封
禪儀記推之下山必日暮後乙卯丙辰固不能
遠至三百里外之鄒平亦未必乘夜疾馳向百
二十里外之萊蕪而鄒平萊蕪之山亦不必謂
之非肅然非長白言非一端各有當也齊記云
於陵西南有長白山魏書博平有長白山隋書

屬章邱縣唐元和志屬長山縣宋寰宇記屬章邱縣金史屬章邱長山二縣山有開元間誌公碑云章邱長白山是唐又聯章邱界相公山景範碑云淄州長山人是周亦隸長山也以古城沿革及金劉仲元上書堂記推之

記云傍鄒皆山也黃山峙

其東聖王諸峯委會於其西

長白山入縣境當在宋末金初

之世而金史屬之章邱長山不言鄒平蓋脫漏也

韓翃送齊山人歸長白山詩舊事仙人白兔公掉頭歸去又乘風柴門流水依然在一路寒山萬木

中 唐詩選

李興祖長白山詩羣峯插雲雲涵山氣如攢玉山
頭圓遙天一抹驚遠望延連四邑雄齊關曲澗層
巒步周折疑入綃室探瑤環左揮滄海右岱嶽獨
挺素色標烟鬟陰晴不變氣全白可有跨鶴來仙
班凌虛直欲接帝座星辰可摘峰岫間絕壑陰森
貯霜雪龍湫漱出聲潺湲瀦水鏡搖落穠艷春光
弄紫晴旭殷高凌天表廣負軸藏靈孕秀石不頑
以茲副岳擅形勝曾傳漢代玉檢頒赤松難尋白
兔杳惜不策杖時往還東牢大藥如可得聚仙峯

上頻躋攀

李開先長白山詩看山雨後清於洗天闕遙臨翠
可分恰對峯嵐如欲語偶來猿鶴可同羣塔移影
轉因廻照磴引身輕恍入雲此內聊叅禪定理空
香何用覓聲聞

施閏章長白山詩雨後明霞冉冉紅浮雲猶裊半
山中多年夢想赤松子何處招尋白兔翁列嶂臨
城餘澗雪虛巖面海更天風從來副岳誇形勝杖
策憑凌孰與同

俱舊志

高珩話長白山詩聽君細話溪山曲便覺江湖意

渺然短策疏泉楓葉路扁舟吹笛藕花天

栖雲閣集

徐夜和抱兒長白山詩泰岱茲以東雲同山一色
中有白鹿仙欲訪不可得

東癡集

摩訶山

長白羣峯惟摩訶最高在城西南三十里分巒擘
岫遙挹滄海環踞四邑西連章邱南接淄川東帶
長山北障鄒平實四邑中峯也峯半出雲時接會
仙諸峯黶黶山之稱爲長白者以此

舊志

摩訶峯高與會仙埒上有浮圖精舍其北大壑限
之東曰回路谷德會水出焉○德會水出摩訶峯

下齊乘曰蒙水俗曰沙河

長白山錄

按沙河非德會水辨詳沙河下

王士禎白石橋尋黛溪遂至摩訶峯下詩日落山
氣涼清流自迴轉窮源不知勞漸忘溪路遠幽石
各奔峭修樹亦婉變遙睇徑難測回矚途屢變寂
歷衆山響蕭條晚風善微徑暮樵出懸崖歸鳥見
須臾夕霏收殘陽四山遍新月忽清揚餘霞息舒
卷稍覺葛衣輕幸藉孤筇健平生邱壑人茲言庶
能踐

漁洋集

徐夜望摩訶峯詩山勢岱以東茲獨高出漢俯首

想凌臨下窺無底澗
矢遊壯及衰怯險意
屢倦徒

爾羨鳥飛決背入高巘

東癡集

張實居閑步至摩訶峯下
詩春溪一道碧溶溶半
是西岩積雪融行過柳菴
疑路盡磬聲又出白雲

中

蕭亭集

會仙山 山巔有八仙臺

城西南十五里峯高差與摩訶並
巉巖秀拔形若覆敦
上有金母祠俯視湖山羅列如畫
遙望泰嶽隱隱萬峯外雲覆山巔
不崇朝大雨徧諸邑世稱羣仙所
集故名會仙歲以三月三日清明則
仙燈

夜見狀如星光燭火大者如盤盂飄緲空際時遠
時近乍開乍合如人持蠟炬以行者許時方沒實
異境也

舊志

會仙長白迤北之最高峯也

山東通志

張延登會仙金燈記會仙山在鄒平西南十五里
舊傳月重三有仙燈見金母祠前先祖封吏部郎
疊峯翁曾見之庚申春余自京請沐歸道人陳六
吉來謂曰仙燈近年數見茲維其時盍往觀之遂
約友人同往時桃花盛開爛灼山谷士女褰糧
不絕日夕至山前翠微之上書堂小憩度漏下可

二鼓出祠後半里露坐候望時四野昏黯狂飈忽作道人曰風伯戒塗燈兆也良久無所睹余意倦欲返一僧忽呼佛曰彼非燈乎余瞥視則見一燈色如白鏐自西向東去山不二尺許飄緲行如人導者已懸空如月漸如星而沒方共稱異友人噓呼曰西南霧中紅蓮花現余錯愕不及視歎咤間忽見谷口爛爛如列星無何山頂放大光明高千餘丈螢紅燭燄朱燼輝煌千枝萬縷如纓絡如幢幡如幃如屏合而忽迸非烟非雲燭龍吐照翳陽復旭莫得而名狀之矣從人誦佛山谷響答咫尺

身在蓬瀛不知奇遇之至是也次早山上道士云
山頂百餘人見山南燈及問以山頂燈不知也蓋
山上人身處燈中不自見正如余處山下又不能
見山南燈也如意寶珠四面滿光隨人照取耳余
考傳記蛾眉山中天晴雲湧銀濤五采如輪謂之
佛見夜半有光來自天際謂之聖燈豈其是耶然
竟不知其何理友人曰揖金母拜木公人不識唯
張子房知之余遜謝因圖而爲之記

馬驪曰仙燈之說舊志以爲理所必黜然近世往
往見之崇正己巳三月三日清明仙燈甚盛士女

觀者數千人順治戊戌三月二日清明遊人聚觀
見數十炬往來分合最大者如輪或云每歲二三
月間天氣寒凜風起霧合此夕定有仙燈不必其
爲清明也記稱燈光如白鏐每起於金母祠前故
會仙金燈爲邑勝景

舊志

張實居望西山詩長白城頭見羣峯拱會仙朝來
知欲雨一半入雲烟

又長白竹枝詞會仙日有白雲騰雲鎖山腰是雨
徵準備來年寒食後滿天風雨看仙燈

又會仙山詩峻極中峯此獨幽天低日見白雲浮

西來嶽色孤烟秀東望滄溟一勺流

東可望海

金簡壇

迷虛夜月赤松蹟杳凜高秋不知山頂何年闢流

水柴門勝概留

俱蕭亭集

馬瑜春日遊會仙山詩入山處處是桃花好鳥鳴

春不厭譁風淨野湖漁棹穩雲連春樹酒旗斜登

臨最喜身猶健疎放何妨老更加一上高峯真曠

絕醉歌明月吸流霞

舊志

賢堂嶺

城西南三十三里嶺北有范文正公讀書堂及范

公祠醴泉寺東崖有泉方池片石鐫醴泉二字

舊志